



Pou Piblikasyon Imedya: 06/07/2022

GOUVÈNÈ KATHY HOCHUL

**GOUVÈNÈ HOCHUL ANONSE MEZI POU RANFÒSE DAVANTAJ POLITIK  
PREVANSYON KONT ASÈLMAN SEKSYÈL NEW YORK LA K AP MENNEN NAN  
NASYON AN**

***Yo envite Nouyòkè yo pou bay opinyon pou ranfòse pwoteksyon yo davantaj***

***Fòmilè kòmantè yo disponib isit la***

Gouvènè Kathy Hochul te anonse jodi a Depatman Travay Eta New York (New York State Department of Labor, NYSDOL) la pral mete ajou politik prevansyon kont asèlman seksyèl li a k ap mennen nan nasyon an. Depatman an ap envite Nouyòkè yo pou yo bay opinyon yo pou ranfòse pwoteksyon espas travay yo davantaj. Sa bati sou efò kontinyèl Gouvènè a ap fè pou amelyore transparans ak ogmante responsabilite nan mendèv la.

"Moman mwen te rantre an fonksyon an, mwen te pwomèt pou m rann espas travay la pi an sekirite, plis respekye, ak plis kolaboratif atravè Eta New York", **Gouvènè Hochul te deklare.** "Soti nan revizyon fòmasyon kont asèlman pou anplwaye eta yo rive siyen yon pake lejislasyon pou adrese asèlman ak diskriminasyon nan espas travay la, nou te pran mezi enpòtan pou ranfòse pwoteksyon kont diskriminasyon ak asèlman. Kounye a, m ap ankouraje tout Nouyòkè pou bay opinyon yo pou pwoteje travayè yo epi ede asire ke New York kontinye dirije nasyon an sou prevansyon kont asèlman."

Aktyèl politik prevansyon kont asèlman seksyèl la te adopte an 2018 epi yo dwe revize li chak kat ane dapre lejislasyon an. Pandan enpak pandemi COVID-19 la ap kontinye chanje domèn travay la, Gouvènè a ak Depatman Travay Eta New York la ap revize politik aktyèl la pou asire ke tout Nouyòkè yo gen tout pwoteksyon posib pandan yo nan travay la.

Kounye a jiska 20 septanm 2022, Nouyòkè yo ka soumèt kòmantè atravè fòmilè sekirize sa a. NYSDOL ap lanse tou yon kanpay sansibilizasyon piblik sou plizyè platfòm, ki gen ladan vidéyo sa a pou ankouraje Nouyòkè yo patisipe nan pwosesis enpòtan sa a.

NYSDOL pral mete ajou tou modèl [Vidéyo fòmasyon sou asèlman seksyèl](#) aktyèl la, enkòpore travay adistans, e li pral enkli amannman resan nan Lwa sou Dwa Moun lan ki elaji pwoteksyon pou anplwaye piblik yo, ki gen ladan anplwaye ofisyèl eli yo ak sistèm jidisyè a, soti nan asèlman seksyèl nan espas travay la.

**Komisè Depatman Travay Eta New York la, Roberta Reardon, te deklare**, "Pdemi an chanje espas travay la pou tout tan. Avèk plis Nouyòkè k ap travay adistans, oswa nan anpil ka k ap travay nan yon modèl ibrid, li enpòtan pou nou egzamine ak anpil atansyon politik asèlman seksyèl aktyèl yo pou asire ke tout Nouyòkè, kèlkeswa kote yo ap travay, kontinye resevwa tout pwoteksyon yo pandan yo nan travay nan nenpòt anviwònman. Mwen ankouraje tout Nouyòkè yo pou yo patisipe nan pwosesis enklizif sa a."

**Komisè Divizyon Dwa Moun Ian, Maria Imperial, te deklare**, "Mwen bat bravo pou efò vital sa a ke NYSDOL fè. Pandan ke Eta New York te fè pwogrè enpòtan nan derasin flewo asèlman seksyèl la, gen plis bagay ankò ki dwe fèt. Nou ankouraje chak anplwaye ak anplwayè pou di nou ki jan nou ka pi byen bati espas travay ki pi ekitab ak enklizif ki pa gen asèlman seksyèl atravè eta nou an."

Chak anplwayè nan Eta New York oblige adopte yon [politik prevansyon kont asèlman seksyèl](#). Yon anplwayè ki pa adopte modèl politik NYSDOL la dwe asire ke politik yo adopte a satisfè oswa depase estanda minimòm sa yo, ki dwe:

- Entèdi asèlman seksyèl ki an akò avèk konsèy NYSDOL bay la an konsiltasyon ak Divizyon Dwa Zimen an.
- Bay egzanp konduit entèdi ki ta konstitye asèlman seksyèl ilegal.
- Enkli enfòmasyon konsènan dispozisyon lwa federal ak eta a konsènan asèlman seksyèl, remèd ki disponib pou viktim asèlman seksyèl yo, ak yon deklarasyon ke kapab genyen lwa lokal yo ki aplikab.
- Enkli yon fòmilè plent.
- Enkli yon pwosedi pou envestigasyon alè ak konfidansyèl sou plent yo ki asire pwosedi jis pou tout pati yo.
- Enfòme anplwaye yo sou dwa yo pou yo jwenn rekou ak tout fowòm ki disponib pou pousuiv plent asèlman seksyèl yo nan fason administratif ak jidisyè.
- Di aklè ke asèlman seksyèl konsidere kòm yon fòm move konduit anplwaye yo e ke sanksyon yo pral aplike kont moun ki angaje nan asèlman seksyèl ak kont pèsònèl sipèvizon ak jesyon ki fè esprè ki pèmèt konpòtman sa yo kontinye.
- Di aklè ke li ilegal pou fè reprezay kont moun ki pote plent pou asèlman seksyèl oswa ki temwaye oswa ede nan nenpòt ankèt oswa pwosedi ki enplike asèlman seksyèl.

Gouvènè Hochul ankouraje Nouyòkè yo pou yo konnen dwa yo konsènan asèlman seksyèl nan espas travay la. Eta New York gen plizyè resous sou Entènèt pou [anplwaye yo](#) ak [anplwayè yo](#), ansanm ak yon paj [Kesyon yo Poze Souvan](#) (Frequently

Asked Questions, FAQ) pou ede gide Nouyòkè yo sou etap yo ka pran si yo te viktim nan espas travay la.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418